

**Dr. Zlatko Lagumdžija, redovni profesor, predsjednik Komisije**

Ekonomski fakultet Univerziteta u Sarajevu

Oblast: Menadžment i informacioni sistemi

**Dr. Nijaz Bajgorić, redovni profesor, član Komisije**

Ekonomski fakultet Univerziteta u Sarajevu

Oblast: Razvoj poslovnih informacionih sistema

**Dr. Lejla Turulja, docent, član Komisije**

Ekonomski fakultet Univerziteta u Sarajevu

Oblast: Razvoj poslovnih informacionih sistema

**VIJEĆU EKONOMSKOG FAKULTETA  
UNIVERZITETA U SARAJEVU**

Na osnovu člana 106. Zakona o visokom obrazovanju („Službene novine Kantona Sarajevo“, broj: 33/17), člana 152. Statuta Univerziteta u Sarajevu, Odluke Senata Univerziteta u Sarajevu broj: 01-512/18 od 11. 05. 2018. godine i Odluke Vijeća Ekonomskog fakulteta Univerziteta u Sarajevu od 10. maja 2018. godine, na sjednici Vijeća Ekonomskog fakulteta Univerziteta u Sarajevu održanoj 12. juna 2018. godine imenovani smo za članove Komisije za pripremu prijedloga Izvještaja o izboru jednog saradnika u zvanju asistent, puno radno vrijeme, na oblast „**Razvoj poslovnih informacionih sistema**“. Na predmetni konkurs, koji je objavljen u dnevnim novinama „Dnevni avaz“ i web-stranici Univerziteta i Ekonomskog fakulteta u Sarajevu, dana 12. maja 2018. godine javila su se dva (2) kandidata:

- Adnan Hodžić, sa prijavom za izbor u zvanje asistent,
- Elizabeta Siljanovski, sa prijavom za izbor u zvanje asistent.

Prema Potvrdi Službe za pravne i personalne poslove broj 07-6-2896/18 od 30.05.2018. godine, Komisija je utvrdila sljedeće:

- Prijava kandidata Adnana Hodžića, MA, na Konkurs za izbor asistenta na oblast „Razvoj poslovnih informacionih sistema“ nije usklađena sa uslovima utvrđenim Konkursom od 12. 05.2018. godine iz razloga što imenovani nema min. prosječnu ocjenu 8, odnosno 3,5 u toku završenog ciklusa studija koji se vrednuje sa najmanje 300 ECTS bodova, a što je jedan od obaveznih uslova iz Konkursa. Na osnovu navedenog, prijava kandidata Adnana Hodžića se neće razmatrati.
- Kandidatkinja Elizabeta Siljanovski dostavila je sve potrebne dokumente i priloge u skladu sa sadržajem Konkursa od 12.05.2018. godine.

Na temelju dostavljenih prijava, pregleda i ocjene naučno-istraživačkih radova te dosadašnjeg nastavno-pedagoškog rada, Komisija podnosi Vijeću Ekonomskog fakulteta Univerziteta u Sarajevu sljedeći

## **IZVJEŠTAJ**

### **1. BIOGRAFSKI PODACI**

Elizabeta Siljanovski rođena je 07.09.1972. godine u Sarajevu, Bosna i Hercegovina. Fakultetsko obrazovanje završila je na Univerzitetu Luisville 2001. godine, te nostrifikovala diplomu na Ekonomskom fakultetu u Sarajevu sa zvanjem diplomirani ekonomista sa usmjerenjem Kompjuterski informativni sistemi. Od 2006. do 2011. godine, kandidatkinja je radila kao interni revizor za finansijske institucije, a od 2011. do 2012. godine kao forenzični revizor. Dodatni angažman u periodu 2012. do 2013. godine je ostvarila kao stariji analitičar za Deloitte Australia.

Kandidatkinja od 2013. godine aktivno radi na istraživačkom projektu koji je ujedno i sama finansirala, a pod nazivom: „Ask Seven“ koji je osmišljen za sticanje iskustva iz prve ruke o mogućnostima, preprekama i rizicima kojima su izložene poslovne operacije mikro i malih biznisa u tranziciji iz tradicionalnog i lokalnog okruženja u arenu globalnog tržišta.

Kandidatkinja je navela da posjeduje nekoliko certifikata i priznanja:

- 2013: IELTS test poznavanja engleskog jezika: Akademski Modul, Kompetentna;
- 2011 Institut Internih Revizora (The Institute of Internal Auditors): Certificirani Interni Revizor;
- 1997–2001 Univerzitet Louisville (University of Louisville): Diplomirani Ekonomista poslovne administracije, smjer: “Kompjuterski Informativni Sistemi”. Diploma je nostrifikovana od strane Ekonomskog Fakulteta Univerziteta u Sarajevu;
- Profesionalno članstvo: profesionalni član Instituta Internih Revizora Australije.

### **2. NASTAVNO-PEDAGOŠKI RAD**

Na osnovu uvida u dostavljenu dokumentaciju, Elizabeta Siljanovski u svom dosadašnjem radu ne posjeduje nastavno-pedagoško iskustvo. Proteklih 17 godina, od završetka studija, kandidatkinja je radila isključivo na poslovima revizije.

### **3. MIŠLJENJE I PRIJEDLOG KOMISIJE**

Komisija je detaljno analizirala prijavu kandidatkinje, njen dosadašnji rad i angažman. Na osnovu uvida u dostavljenu dokumentaciju, Komisija konstatuje sljedeće:

- Kandidatkinja Elizabeta Siljanovski ima naučni stepen diplomirani ekonomista sa usmjerenjem „Kompjuterski informativni sistemi“ stečen 2001. godine na Univerzitetu Louisville.

- Kandidatkinja Elizabeta Siljanovski ima dugogodišnje, vrlo uspješno radno iskustvo u oblasti revizije. Tokom svog dosadašnjeg rada, kandidatkinja je radila kao interni revizor, forenzični revizor, te kao analitičar za revizorsku kuću Deloitte. Neke od aktivnosti kojima se kandidatkinja bavila su: analiza upravljanja imovinom, proces odobravanja kredita, analiza upravljanja kreditima u kašnjenju, vođenje i izvršavanje ispitivanja internih i eksternih prevara, evidencija i upravljanje troškovima, evidencija naplate potraživanja, itd.
- Obzirom da se radi o kandidatkinji sa zavidnim radnim iskustvom, neophodno je napomenuti da u svom dosadašnjem angažmanu nije imala nastavno-pedagoške angažmane.

Na osnovu predočenih i detaljno analiziranih relevantnih činjenica, Komisija je jedinstvena u mišljenju da kandidatkinja Elizabeta Siljanovski ne može na odgovarajući način odgovoriti potrebama Katedre za menadžment i informacione tehnologije kada je pitanju pozicija asistenta na oblast „Razvoj poslovnih informacionih sistema“. Naime, kandidatkinja se u svom dosadašnjem angažmanu usmjerila ka oblasti revizije, razvila vještine i kompetencije, te se profilirala ka oblasti koja nije u direktnoj vezi sa oblašću Razvoj poslovnih informacionih sistema. Pored toga, strateško opredjeljenje Katedre je da se u zvanje asistenta biraju osobe koje su na početku svoje karijere, kako bi imale mogućnosti u potpunosti se usmjeriti ka izgradnji naučnih, istraživačkih i pedagoških kompetencija predmetne naučne oblasti.

Shodno prethodno navedenom, Vijeću Ekonomskog fakulteta Univerziteta u Sarajevu predlažemo da se kandidatkinja **Elizabeta Siljanovski NE izabere u zvanje asistenta**, oblast **Razvoj poslovnih informacionih sistema**, puno radno vrijeme.

Sarajevo, 14.06.2018. godine

**KOMISIJA:**

Prof. dr Zlatko Lagumdžija, redovni profesor

---

Prof. dr Nijaz Bajgorić, redovni profesor

---

Doc. dr Lejla Turulja, docent

---